

國方志叢書・華中地方・第九二九號

據

清・王猷、楊傑等纂修  
清乾隆十七年刊本

影印

江 西 省

# 樂平縣志

(一)

成文出版社有限公司印行

重修樂平縣志序

皇上御極之十二年歲官丁卯

命經史館纂集三通流布海內又以  
馬端臨文獻通考綜貫歷代制度  
典章由上古以迄唐宋源委瞭然  
學者資其考鏡前明王圻續之繁

陽  
蕪寡要今又百五十餘年矣

本朝監古定制憲章明俗是宜蒐擇  
討論以徵信從恭繹

諭旨續修通考惟以簡要爲體裁嘗攷  
端臨馬氏樂平鴻儒也宋丞相廷  
鸞公仲子歷仕慈湖柯山書院山

長台州路學教授懼紀載之缺逸  
作通考一書凡三百四十八卷列  
二十四門其間分合序次實增唐  
杜佑通典之舊兼宋鄭樵通志之  
長汲古者詳校之而得千古史學  
之大全余自己未歲啣

命出宰茲邑邑固文獻之區也余始至  
涖公署詣學宮肅然凜朝規廟制  
之崇閔焉巡城郭稽倉儲殷然籌  
疆域民依之完備焉謁忠義節孝  
祠穆然思冷山之幽同雪窖淚灘  
之闕比北宮而翔仲相業黔寧武

功猶赫赫在人耳目焉他如山川  
物產田賦戶役蕃庶充實莫不有  
昔之慈惠幹濟者以拊循經理之  
於戲盛矣逮甲子春學博鵞湖楊  
君秉鐸於茲政事之暇輒與商確  
典故及今昔沿革之由而楊君深

心訪古人也其晉接邑彥及考課  
庠士必諮往蹟爲據而名山佳水  
廟寺壇壝亦必考核情詳真可謂  
勤且慎矣丁邛春余屬以纂修邑  
志楊君則徵文考獻深得通考遺  
意又謀及邑中紳士參稽互訂夏

五月稿脫眎余付之剗剗今戊辰  
春余喜斯役之有成例得颺言於  
簡端因思昔之以通考擅名者固  
是邦之鴻儒也昔之通考既可備  
徵國史今之邑志何難取證微文  
况稽典籍而詢老成亦無異於昔

也若夫舊者因新者增煩者刪缺  
者補門分類別視舊志爲更協則  
楊君纂之諸紳士勸之余惟自幸  
宰文獻之區聆

王言之渙汗際史館之修明乘機邁會  
用以慶工載一時之盛云

旨

乾隆十三年春王正月上浣之吉

文林郎知樂平縣事西夏陳訥謨



文林館藏樂平縣志卷之五

新刊本

書



原  
稿  
缺



明府對峰汪司訓東長徐待詔  
公亮暨諸紳士公議之欲息其  
喙先平其心余乃偷閒旬日將  
前脩之志逐一參考凡者刪之  
缺者補之訛者王之始俸付梓  
彌月告竣事蓋求其速而未計

工拙也鄒明府向輯有樂平志  
補余卒業焉竊喜其考核精詳  
多所裨益欲採取而纂入之而  
明府以董厥事恐滋衆口願留  
其書以俟後之脩者遂不果是  
則余竊之不無罣碍而益歎脩

志之難也有詰之者余將應之  
曰濫知免矣漏則未也是為序  
嘗

乾隆十七年歲次壬申季冬下  
浣之吉

賜進士出身文林郎知樂平縣事

壬申鄉試同考官稽山霞峰氏  
王猷撰并書

